



**Nasjonalparkstyret
for Reinheimen**

Postadresse
Postboks 987
2604 LILLEHAMMER

Besøksadresse
Norsk Fjellsenter,
Brubakken 2, 2686 Lom
Norsk Tindesenter
Havnegata 2, 6300 Åndalsnes

Kontakt
Sentralbord: +47 61 26 60 00
Direkte: +47 61 26 62 05
sfinpost@statsforvalteren.no
<http://www.nasjonalparkstyre.no/reinheimen>

Are Flatmo

Saksbehandler Mari Melbø Rødstøl

Vår ref. 2023/14484-2 432.3

Dykkar ref.

Dato 21.05.2024

Reinheimen NP - dispensasjon - motorferdsel - 2024 - 2028 - motorbåt - Leirungsvatnet - Torsvatnet - Are Flatmo

Delegert vedtak:

Med heimel i verneforskrifta for Reinheimen nasjonalpark, § 3, pkt. 6.3, bokstav f) og g) får Are Flatmo dispensasjon til å bruke båtmotor på Torsvatnet og Leirungsvatnet i Reinheimen nasjonalpark i samband med garnfiske.

Dispensasjon vert gjeve med følgjande vilkår:

- Gjeld bruk av motorbåt kun i samband med garnfiske, ca 3 veker etter isgang på vatnet.
- Dispensasjon gis for 5 år, f.o.m 2024 t.o.m. 2028.
- Motorstyrken skal ikkje vera over 10 hk.
- Dispensasjonen skal vera med på turen.
- Dersom det er «bifangst» av dykkender i samband med garnfiske, skal dette rapporterast til nasjonalparkforvaltar på e-post.

Det skal visast særleg stor aktsemd for fuglelivet, spesielt våtmarksfugl, for å unngå at fuglar vert skada og forstyrra. I dei fyrste vekene etter isgang er fuglelivet særleg sårbart i samband med hekking.

Vi gjer merksam på at det må innhentast eventuelle nødvendige løyve til motorferdsel frå kommunen og grunneigar, jf. «Lov om motorferdsel i utmark» og lokal forskrift.

Vi oppmodar til bruk av lydlaus el-motor.

Klage:

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.



Heimelsgrunnlag

Delegering I medhald av vedtekter for Reinheimen nasjonalparkstyre punkt 6.3, jf. naturmangfaldlova § 62 andre ledd tredje punktum, har nasjonalparkstyret for Reinheimen i styremøte 04.03.2024, gjort vedtak om å delegere behandling av enkeltsaker til nasjonalparkforvaltaren, slik som i denne saka.

Vedtaket gir nasjonalparkforvaltarane i Reinheimen myndigheit til å treffe vedtak i følgjande sakstyper:

1. Behandle søknader om ferdsel og om motorferdsel etter verneforskriftenes spesifiserte dispensasjonsbestemmelser.
2. Behandle søknader etter verneforskriftenes øvrige spesifiserte dispensasjonsbestemmelser og etter naturmangfoldloven § 48:
 - a) når vedtaket innebærer fornying av tidligere dispensasjon som er gitt av nasjonalpark- /verneområdestyret eller arbeidsutvalget dersom forutsetningene for tillatelsen er tilnærmet uendret,
 - b) når det foreligger en etablert forvaltningspraksis fra saker behandlet av nasjonalpark- /verneområdestyret eller arbeidsutvalget i tilsvarende saker og
 - c) når forvaltningsplan gir eintydige føringer for utfallet av søknadsbehandlingen.

Saksopplysningar

Dokument i saka

- Søknad frå Are Flatmo 21.11.2023

Søknaden

Are Flatmo søker om bruk av båtmotor på Torsvatnet og Leirungsvatnet i Reinheimen NP.

Søknaden er vurdert i samsvar med:

Forskrift for Reinheimen NP, 24.11.2006
Forvaltningsplan for Reinheimen, 2010
Naturmangfaldlova, 19.06.2009

Verneforskrift – formål

Formålet med Reinheimen nasjonalpark er: å ta vare på eit stort, samanhengande og villmarksprega fjellområde, eit høgfjellsøkosystem med eigenarta og variert biologisk mangfald. Området er eit sentralt leveområde til villreinstammen i Ottadalen nord. Det er også eit viktig referanseområde for forskning med ein aust-vest gradient, særprega geologiske førekomstar, vassdragsnatur og ikkje minst kulturminne. Tilgang til naturopplevingar og friluftsliv skal skje gjennom tradisjonell ferdsel med liten grad av teknisk tilrettelegging.

Etter verneforskrift for Reinheimen nasjonalpark, § 3 pkt. 6.3 bokstav f) og g), kan forvaltningsstyresmakta gje løyve til bruk av båt med motor på Leirungsvatnet og Torsvatnet i samband med fiske.



Forvaltningsplan

I forvaltningsplanen heiter det mellom anna om motorferdsel i kap. 4.7.2 (Motorisert ferdsel med båt § 3, pkt 6.3, f, g), på s. 49, at det ved søknad om motorisert ferdsel med båt på Ulvådalsvatnet, Leirungsvatnet og Torsvatnet i samband med fiske, skal setjast vilkår om at motorstyrke ikkje er over 10 hk.

Naturmangfaldlova

I medhald av naturmangfaldlova § 7, skal søknaden vurderast etter prinsipp for offentleg avgjerd, jf. nml §§ 8–12 (kunnskapsgrunnlag og miljørettslege prinsipp).

Vurdering

Det er i verneforskrifta for Reinheimen nasjonalpark heimel for at ein kan søkje om motorferdsel med båt i dei største vatna i nasjonalparken, Ulvådalsvatnet, Tordsvatnet og Leirungsvatnet. På store vatn kan det ved sterk vind skapast større bølger, så av omsyn til sikkerheit kan det være tryggare å nytte båt med motor.

Leirungsvatnet ligg i den sør-austre delen av nasjonalparken, og er eit av dei beste fiskevatna i området. Vatnet er over 2 km², og ligg i det viktigaste våtmarksområde i Reinheimen nasjonalpark med stor regional verdi og av nasjonal interesse for våtmarksfuglar. Det er mellom anna registrert 7 artar av andefuglar på og ved Leirungsvatnet og Råkåvatnet (lenger søraust). Omsynet til desse artane er viktig for vernemyndigheita. Når det er opna for å gje løyve til bruk av motorbåt på Leirungsvatnet er det under føresetnad av et ein viser særleg stor aktsemd for fuglelivet, spesielt våtmarksfugl. Etter isgang er fuglelivet særleg sårbar i samband med hekking, ca 3-4 veker.

Torsvatnet ligg på ca. 1300 moh, er 6,3 km², og er eit av dei største vatna i Reinheimen nasjonalpark. Skjåk jeger og fiskarlag har naust med overnatting, båt, motor og garn til utleige. Torsvatnet er eit godt garnfiskevatn, og det er derfor opna for å gje løyve til bruk av motorbåt på Torsvatnet under føresetnad av et ein viser stor aktsemd for fuglelivet. Av mangel på gode gytebekkar kring Torsvatnet vert det sett ut fisk. Det blir seint isfritt, ofte ikkje før slutten av juli eller i august.

Omsynet til verneverdiane i området er vurdert, særleg i forhold til landskap, dyreliv og friluftsliv, jf. verneforskrifta § 2 og naturmangfaldlova §§ 1, 4 og 5 samt § 7, jf. § 8-12.

Kunnskapsgrunnlaget (nml § 8) er godt dokumentert i naturbase, artsbase og gjennom forvaltningsplan. Det er god oversikt over kva som kan påverke landskap, økosystem, naturtypar og artar gjennom overvaking av området. Bruken av området gjennom generasjonar har også vore med å gjeve føringar for kva transport som ein kan gje løyve til. Det er ikkje dokumentert at båtmotor har ført til problem som kan føre til irreversibel skade for fuglelivet på Leirungsvatnet og Torsvatnet, og bruken av båtmotor skjer i liten skala. Det er likevel viktig å følgje med om fuglar blir skada under garnfiske.

Kunnskapsgrunnlaget er godt nok og *Føre-var-prinsippet* (nml §9) vert ikkje vurdert som nødvendig i denne saka.

Tiltaka vil heller ikkje påverke miljøet i særleg negativ retning. Påverknader på miljøet i området totalt sett er minimal, jf. *økosystemtilnærming og samla belastning*, nml. § 10.



Dekning av kostnader ved miljøskade (nml. § 11): Det blir lagt vekt på å setja vilkår i vedtaket som regulerer verksemda for å hindre skade.

Miljøforsvarlege teknikkar og driftsmetodar (nml. § 12): Bakgrunnen for at det er opna for bruk av motor på Leirungsvatnet og Torsvatnet er at det er store gode garnfiskevatn, og at det kan vera vanskeleg å manøvrere båten i sterk vind som kan oppstå under fiske. Alternativet ved å ro vil og kunne avgrense fiske. Ved bruk av motorbåt skal det i samsvar med forvaltningsplanen, settast vilkår om at motorstyrken ikkje er over 10 hk.

Ettersom fiske er ein årleg aktivitet kan dispensasjon gjelde for inntil 5 år, for å unngå unødig saksbehandling.

Ut i frå ei total vurdering kan det gjevast fleirårig dispensasjon til bruk av motorbåt i samband med fisking.

Med helsing

Mari Melbø Rødstøl
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:

Skjåk kommune

Skjåk Almenning

Lom kommune

Statsforvalteren i Innlandet

Statens naturoppsyn v/Thomas Rødstøl

Statens naturoppsyn v/Thomas Rødstøl

Kristine Sørli

Moavegen 30

Sognefjellsvegen 6

Postboks 987

2690 SKJÅK

2690 SKJÅK

2686 LOM

2604 LILLEHAMMER